

مجموعه ابو الخیر

ماسوا شایه سندن دلی تطهره چالش
بر تو حکمت و عرفان ایله تور و آتش

علوم و معارفدن بحث ایدر. و هر ماه عربی ابتدا سیله اون بشته نشر اونور مجموعه در.

عدد ۲۶ - جلد ۳ [فی ۱۵ محرم سنه ۱۳۰۰] [نهمین ۳ فروش]

مبادرت اید لمشدرد. فقط قرق سنه اولکی شمسیدردخی بوکون بزه کتیریله جک و یا برینک النده کوریله جک اولسه کرک طرزینه و کرک استعمال ایدنه کولمکدن کری طورهمیر .

قادینلر شمسید استعمالده بوعصرك اوائلنده باشلادیلر. مملکت مزده ایسه بوندن یکریمی بش سنه اول بیکده بر شمسیدلی خانمه تصادف اولغزایدی . ارککلر ایچون شمسیدنک ایکی حالت استعمالی واردر . بری کونشده دیکری یاغمورده حتی فرانسز لسانده (پاراپلوی paraplui) یعنی سپر باران (مطریه) و (پاراسول Parasol) سپر شمس (شمسید) ناملریله یکدیگرندن تفریق ایدرلر . قادینلره کلنجسه الیوم آنلر ایچون لوازم ظرافتدن اولمشدرد . کولکده، کونشده، قارده، یاغمورده دخی قوللانیرلر .

مکارم اخلاق

محبوسک اوغلی

هر نه حالده اولورسه اولسون بر پدرک اولادینک قلوبی اوزرینه اولان نفوذی هیچ بر وقت تمامیه زائل اولمز .

مدنیت غریبه زمانمزده واصل اولدیغی منزله ترقیه بر خیلی بعید مسافدهه ایکن اوروپانک اکثر ممالکنده محبوسینی خدمات شاقدهه استخدام ایتمک نظامات اساسیه دن ایدی .

۱۷۸۷ سنه سننده ویانه حبسخانه عومیسنده بولنان محبوسلردن بر طاقی برکون معتاد اوزره سوقاقلری سمپوروب تمیرلمکله مشغول ایکن اوستی باشی تمیر بر دلیقانیلی محبوسیندن برینک نزدینه تقرب ایده رک فرط حرمت ورعایتله الی او پر .

اوصرهده ارباب اصالتدن بر ذات اوینک پنجره سندن دلی قانلینک واقع اولان حرکتی مشاهده و تعجب ایتمسيله درحال خدمتکارلردن بریله کندیسینی حضورینه جلب ایده رک شو وجهله خطاب ایدر :

— جنایت ایله مهتم بر محبوسك النى او پمك جائز اولديغنى بىلزميسك؟
دلى قانلى كوزلرندن اشك ريز اسف اوله رق دير كه :

— يا او محبوس بنم پدرم ايسه

مشار اليه بوسوزى ايشيدنجه دلى قانلىك پدرى حقنده كى محبت
قابيه سندن رفته كله رك و كنديسنك اكال علوم ايچون دار الفنونيه مداوم
اولديغنى او كرنه رك ايشى در حال ايمراطوره عرض ايتمسيله ايمراطور
دخى وقعه دى اخلاق نقطه نظرنده محاكه ايتدكدن صكره « اوغلنه
دارالفنونده اكال علوم ايتديره جك مرتبه ده معارف پرور اولان بر پدرك
جنائتى واقع ايسه دخى مطلقاً عمداً اوله مز . و كنديسى دارالفنونده
بولنان بر دلقانلىك پدرى دخى ارباب جنائت ايچنده بولنه مز . پدرينى
عفو ايتدم . اوغلنده مادام الحيوه ۱۰۰ فبورين معاش تخصيص ايلدم .
دير . و معاشك براتنه « سزه تخصيص ايتديكم معاش پدر كنز حقنده كى
مجتكزك و فضائل انسانيه دى خدمت شاقه ايله مشغول اولان پدر كزك
دستى تقبيل ايله تزينه همتكزك مكافايتدر . » عباره سنك علاوه سنى اراده ايدر .

دميرجى

هشام اموى طرفندن ۱۲۰ سنه هجرية سننده اندلسه والى نصب
ايديلان عادل مشهور عقبه بن حجاج القيش تأمين آسائش عباد ايچون
معتادى اوزره بر كيجه قرطبه سوقاقلرينى دورايتديكى صره ده دكلك برنده
دمير دوكلديكنى ايشتمكله بيوقت اولان شواشتغالاك سببى آكلامق ايچون
قبوي ايتوب ايجرى كيرر . و بعد السلام دميرجى ايله پينلرنده شويله
بر محاوره كچر .

والى — بويله بيوقت اشتغاله سنى مجبور ايدن ضرورتيمدر
يوقسه طعميمدر ؟

دميرجى — يا امير بونلرك ايكيسيده دكل . هم مذهب اولميان ابنائى
جنسمدن بر بچاره ايچون چالشيورم .

امیر — او بیچاره کیمدر!

دمیرجی — شو اتصالمده کی دکاتک صاحبی اولان (جوزه) نامنده فقیر برترزیدر که صغیر و صغیره یدی نفر اولادیلر زوجه سنک نفقه لری کندیسنک ثمره سعینه موقوف ایکن یکر می کوندر اسیر فراشدر . بناء علیه معتادمندن ایکی ساعت صکره یاتوب ایکی ساعت اول اوبانیورم بووجهله قزاندیغم شو درت ساعت هفتده ایکی کون حاصل ایدیور که اوقدرلق استفاده یی آنلرک معشیتنه هدیه ایدیورم . فضله برشیم اولسه ایدی آنلرله تقسیم ایدردم لکن بنده فقیرم .

امیر — پک اعلا! بو ویردیکن آقچه یی ایلروده تری سکا تأدیه ایده جکیمدر؟

دمیرجی — یا امیر بن بونی حسبه لله ایفا ایدیورم؛ الله ایچون ایشار ایدیلان اعانه ک عوضنی الاهدن بشقه کیسه دن بکله م .
 امیر — (جینسندن برکیسه آلتون چیقاره رق) اوله ایسه بوده بنم طرفدن بر فقیر خرسنیانه قارشی شان اسلامی اعلا ایدن شو مروتکک عوضی اولسون .
 دمیرجی — اگر مساعده ایدرسه کز نصفنی امیر مرک نامنه اوله رق او بیچاره یه ویره م که اعاده صحتی ایچون بردوای عاجل اولسون .

امیر — خیر! (دیگر برکیسه چیقاره رق) اوسنک عوض مروتک ایدی بوده آکا پت المالك اعانه می اولسون .

جمل حکمه

دیگیلیان آدم سویلیان آدمک دشمن طبیعیدر .

اسکی بر حقارتی عفو ایتک یگیسنه یول آچق دیمکدر .